



Sumiginnaanerit pillugit nalunaaruteqartarnissanut kommunini ataatsimoorussamik oqarasuaammik aalajangersimasumik sianerfigineqarsinnaasamik pilersitsinissaq pillugu kommuninut isumaqatigiinniaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Sianerfigisinnaasatigit nuna tamakkerlugu kalerriutigineqartut tigooqqarneqartassapput, kommuninullu pineqartunut erngertumik ingerlateqqittarnissaat qulakkeerneqassalluni.

Ulloq unnuarlu sianerfigisinnaasap ilusilernissaanut Naalakkersuisut kommunit peqatigalugit aalajangiisinnaatitaassapput. Siunertarineqartoq, tassaasoq innuttaasut tamarmik pisariunngitsumik pisortanut sianersinnaalernissaat sumiginnaanernillu kalerriisinnaalernissaat taamaalilluni anguneqassaaq.

(Inatsisartunut ilaasortaq Naaja H. Nathanielsen, Attaviitsoq)

(Siullermeernera)

Demokraatini siunnersuuteqartoq isumaqatigaarput oqarmat pisaanut t assigusumik nalunaartarfissamik nutaamik pilersitsinissaq iluaqutaalluarsinnaasoq paasivarpullu Naalakkersuisut akissumminni allattut kommunini assigiinngitsuni suliniartoqalereersoq. Iluaqutaassagaluarpoq qitiusumiit suliniutit taamaattut taperserneqarsinnaasuuppata, innuttaasut sumiginnaasimasut pillugit nalunaaruteqarusukkaluarlutik nalorsartartut, ajornannginnerpaamik nalunaaruteqartarsinnaaqqullugit.

Taamaassappalli aamma pisariaqarpoq tamakku malitseqartinneqartarnissaat piffissaagallartillugulu misissorneqartarnissaat.

Paatsoorneqarsinnaangilaq aallaqqaammut pisariaqartinneqartoq tassaammat kalerriutigineqartut malitseqartinneqartarnissaat aammali eqqoriarsinnaavarput nalunaaruteqanngitsoortoqartoq, innuttaasoq erngiinnaq nalunaaruteqarsinnaaneq ajormat meeraq inuusuttorluunniit atungarliortillugu.

Taamaattumik isumaqarpugut qaammarsaalluarnissaq suli amingaataasoq - qaammarsaanissaq - innuttaasunut kommuninilu sulisunut pillugit suli at qanoq ittut sukkasuumik qisuariarfigineqartassanersut kiisalu oqartussaaffiit sorliit saaffigineqartassanersut.

Aamma isumaqatigilluinnarparput pisariaqarmat najukkamiinngitsumik oqartussaaffeqartariaqartoq kalerrinneqartarsinnaasumik, innuttaasut eqqortuliorusuttut najukkaminni malersorneqaqqunagit, soorlu siunnersuuteqartup tikkuaraa, ajornartorsiutinngorsinnaasarmat.



Apeqqutaavorli kalleriisarfik, nittartagaq imaluunniit taakku ataatsikkoortillugit akunnerni 24-ni ammatittarnissaat aaqqiissutissani pitsaanerpaajunersoq.

Imaluunniit Qitiusumik siunnersuisarfik immikkoortortalerneqarsinnaannginnerluni atserlugu kalleriisarfimmik?

Peqataanik isumaqarpugut suliniutini ukunani kommunalbestyrelsit kisimik saaffigineqassanngitsut kisiannili ugartorneqassasoq meeqqat ulorianartut pineqartillugit ataasiinnarmut kalleriisarnissaq - ilanngullugu kalleriisunut ilisimatitsisoqartarsinnaanissaanut periarfissaq.

Isumaqarpugut immikkoortoq tamarmik iluaqusiivigineqartariaqartoq, taamaattumik qilanaarpugut Naalackersuisut neriorsuinikummata meeqqanut inatsit pillugu pitsanngorsaasoqassamaartoq tassungalu atatillugu kaammattuutigerusupparput ilanngullugu immikkoortumi inatsit akimmisaarfeerullugu suliarineqassasoq minnerunngitsumik malitseqartitsisarnissamut suliniutit sananeqassasut kommuni sulisunut paasiuminartunik siunnersuusersorlugit ilitsersuusersorlugillu kiisalu assigiinngitsunut tunngasunik atuaruminartunik pissarsiariuminartunik aamma paasiuminartunik sanasoqassasoq innuttaasut pisinnaatitaaffiitut tunngasunik.

Taamatut oqaaseqarluta Naalackersuisut allannguutissatut siunnersuutaat aamma tunngaviusumik siunnersuuteqartup siunnersuuta ilalerpagut, kissaatigaluguli pissanngikkigut kommunalbestyrelsimut anngussinnaanissaq imaluunniit oqarasuaatikkut kalleriisarfissaq kisiannili ugartorneqassasut innuttaasunut aaqqiissutissat pitsaanerpaat aamma pisariinnerpaat.

Demokraatini innersuussutigerusuppagut MIO-mi misilittakkat pioreersut ateq taanngikkaluarlugu siunnersuisarnej aamma SMS-t atorlugit aaqqiisarnej eqqarsaatigaluit aamma innersuussutigissavarput taakku suliamut aallartinneqartussamut ilanngunneqassasut kiisalu aamma innersuussutigissavagut qarasaasiakkut aaqqiisarnerit allallu aaqqiisarnerit ilapittuutaasartut.

Kingullermik minnerunngitsumilli oqaatigissavarput innuttaasunut qaammarsaanissaq pisariaqarmat iliuuserisinnaasagut pillugit.

Taamatut oqaaseqarluta siunnersuut Ilaqutariinnermut Peqqissutsimullu Ataatsimiititaliamut innersuupparput.